

埽垢山房詩鈔

埽垢山房詩鈔第九卷目錄

刺促行

短歌行

長歌行用陸士衡原韻

秋陰

憶揚州湖上芙蓉

夜坐用放翁韻

述感四首

太白三章

晚過蘭堂

家無長物有最不能忘者思之每惘惘若

失作七憶歌七首

各有小序

葫蘆

竹如意

書

石印

緼袍

鐙

葉子

牽牛花

所思

廢園

墨一九是登舟時所攜者用已盡矣悵然

成詩

鳥鳴引

雉子班

論詩四首

絕倒

中秋

題金螻菴小象

落葉四首

題孔小菘秋蓼山房詩集

題顏思誠就刪草二首

寄壽淨因四首

窻下探春盛開

紅萼軒望孔廟杏花

雨中怡齋公邀往泗濱看杏花

次日天晴赴忍齋看花之約再往泗濱是

晚諸君張燈較射火戲甚盛

早春卽事

制藝編成感賦二律

意未盡和前韻二首

孔小菘四時行樂圖四首

首夏卽事

同孔鎮齋夜話感贈二律

客中七夕四首

埽垢山房詩鈔第九卷

甘泉黃文暘

刺促行

刺促復刺促日月歲相續去者不復返來者
苦相促刺促復刺促少壯老相續去者不復
返來者苦相促

短歌行

微蓬千里適從飄風眷言留蕙茂于故叢
悵

出古上言金
名
脰相望平楚其空梢梢高木塗塗露濃時無
停景候感吟蟲寒心酸鼻憂心沖沖撫我瑟
琴懷彼太容心陶嘉月皎皎生東懿矣流暉
照彼高松結根舊山以禦窮冬

長歌行用陸士衡原韻

迅矣行天日悠哉逝水川人生隨俛仰二氣
相周旋風急送悲響雨多無燥絃衣食苦相
促所希諒難全貧賤本天放年壽胡自捐升

沈迫儻忽欣赴鬼伯延伸息愧熊鳥悠悠天
地間陰陽日相諭何須防未然已讓金石固
安羨竹帛宣山中忘甲子歲月何寬閒

秋陰

坐見蓬蒿日日長青苔紫蘚滿東牆隔簾老
眼原如霧錯認秋花綻海棠

憶揚州湖上芙蓉

斫桂紉蘭興兩慵老年心境愛芙蓉霜原露

結恩難拒春待秋成氣更濃嶺峙湖心花四面
長春嶺在湖中花最盛城高雲外錦千重孤根湘岸
多風雨便欲乘潮遠溯從

夜坐和陸放翁韻

露滴花梢夜有聲幽齋兀坐待天明絲絲白
髮常憐影閃閃青鐙最有情兩別舊悲荆璞
玉六經新授魯諸生壯懷銷盡人空老閒畫
虛窻記月行

述感

眾芳倏欲歇，鷓鴣爲哀啼。
桃李色何盛，蓬蒿理亦齊。
馬肥分稱麥，鶴健掇丹萸。
日御所然笑，榮枯何可稽。

北面意何適，猶言吾馬良。
狐裘齊獨煖，艾服楚羣芳。
鐙幻紅衣女，魚從白石郎。
相逢且相媚，高唱未渠央。

直原悲木寇，明亦笑膏煎。
處穴尾猶惜，飲河

羽可憐疏麻遺已暮飛藿去難旋獨跨蒼龍
逝關中呼子先

結習業已盡天花不着身斲輪難授子傳火
不因薪菹煉金爲色餐磨玉作塵雲中一圓
望人海浩無垠

太白三章

太白初升北斗落客子數錢索腰橐黃金臺
上金如山分與人間鑄車鐸此時高卧管與

樂

太白正高北斗低月落路黑烏亂啼車輪碾
霜聲正澁岐途誰辨東與西家中睡熟兒與
妻

太白猶懸北斗沒暝坐車中空抱膝架上猶
留未讀書鼠跡盈几掃不得聞煞書窻照初
日

晚過蘭堂

蜻蛚送哀音西風滿樹林清商倏變化白髮
獨沈吟片石留吾坐高松共此心還期同照
月爲爾理瑤琴

家無長物有最不能忘者思之每惘惘
若失作七憶歌

葫蘆 予素有葫蘆之癖搜竒採異
摩挲光澤懸之壁間者常百有餘枚
羅兩峯曾爲作圖今僅存巨者三枚

小者五枚度合子午卯酉皆希世之
珍也

我聞還丹有處買常欲攜壺渡瀛海嗟嗟風
塵吾已衰壺亦掛壁空塵埃

竹如意 紫竹堅瘦節巨而側生天
成如意也

我有一柄竹如意痛哭原無臯羽淚有時高
談任指揮紛紛四座天花飛

書 故友童二樹客游所至必以書
八十六匱自隨以卦名干支編列予
見而羨之寒家雖積書不多然窘于
貲不能攜也吟咏之際一字不安苦
于無書可檢最爲憾事

吾愛故人童二樹行篋隨身羅四庫笑我妙
手誇空空坐搔白首吟天風

石印 舊藏石印數百零落之餘僅

存二匣五色陸離古澤欲流皆宋元
明舊製也

金有革時不戀肘石無爛時常不朽有文不
用悲復悲鏤冰琢雪空爾爲

縵袍 藍色布袍服之三十年矣每
命山妻綴補輒舉以爲笑予則樂而
安之束裝時奴子恥之匿不攜來秋
風拂體每爲悵然

卅年縑袍幾筋線山妻補汝手亦倦我每披
之溫如春生平惟汝戀故人

鐙 予與淨因夜讀常共一錫鐙檠
貯油燃草明爾室猶是山妻嫁時物一卷聯
吟坐比肩帟閣蘆簾四十年

葉子 揚俗好鬪帟牌吾甚惡之而
獨愛與弟妹爲此

吾家弟妹頭皆白圍坐撩零樂無數可憐棄

之來山東獨聽落葉響秋風

牽牛花

規圓朶朶碧雲裁
宜向明河岸畔栽
寫出九秋風露色
遙天雨過越窰開

所思

風葉欲辭樹淒然
念舊因所思違已遠
獨處及茲辰澹澹
見秋色間間立旅人
緣堦苔漸繁對此日
逡巡

廢園

當年臺榭憶寬閒，剩得頽垣隔假山。
草色緣階青上屋，苔痕蝕樹綠成斑。
曲池空寫波三折，虛閣猶延月一彎。
我感興衰時眺望，一人獨往一人還。

墨一丸是登舟時所攜者，用已盡矣。悵然作詩。

怪我新詩盡日哦，龍賓化去悵如何。
光陰屈指

指秋將老還是人磨是墨磨

鳥鳴引

一聲乍起何琅琅兩聲三聲轉笙簧繁聲忽
促短復長鳳臺新譜音鏗鏘求聲群鳥飛且
翔紛紛鼓翼抗其吭或如蜚聲立廟廊歌咏
太平爲文章或如窮愁絕糗糧哀鳴澤畔寫
憂傷低如思婦守空房顧影架語涕浪浪高
如壯士志四方撫劍長歌聲軒昂世間哀樂

本無常各言所言不可詳默坐聽之心茫茫
樂無所感憂難忘此時天氣已清商萬木瑟
瑟葉漸黃哀蟬淒咽風露涼况復草際吟寒
蟿浮雲黯黯蔽夕陽秋聲四起不可當衆鳥
紛紛投林忙各呼其群鳴悽愴一鳥失群獨
偃偃哀鳴遶樹聲悠揚天東漸吐明月光砧
聲萬戶搗衣裳聞此哀聲更斷腸况復羈窮
在異鄉

雉子班

雉子班氣凜凜文章燦然如雲錦十步一啄
百步一飲山梁作止時自審守正而死勵士
品安肯受樊籠俛首糜餽廩

論詩

一代風騷一代人千秋小雅是忠臣但留眞
面傳今古錦濯西江色自新

輕薄專歌鄭衛章狡童佚女一時狂言妖自

是關災異不用書倉大小量

茶甌位置對香南兩腋風生味自甘應否屠
沽叅一座許他里諺雜清談

門戶標題絕可憐紛紛過眼等雲烟乾坤清
氣分明在論定千秋待後賢

絕倒

絕倒當前可奈何茫茫世事本來多影過寒
澗猶尋雁水煖春江欲問鶯煉粉還鉛功自

苦看朱成碧眼全訛槐陰一枕真吾樂莫問
南柯與北柯

中秋

客中怕見中秋月偏是中秋分外晴萬里清
光同此夜照人心事太分明

題金螭菴小像 四美人環侍伏案讀書

關西才子清時傑酒仙詩聖稱雙絕我昨叨
陪北海尊長鯨看吸干江月開圖爽氣拂衣

篝金井碧樹涼高秋此時酒懷應浩浩況有
蠻素能清謳豈有人間書未讀中年陶寫憑
絲竹三復只留酒德頌好把縹湘易箏筑兩
行分列雙翠蛾新詩脫手爲君歌清商移律
奈愁何古人陳迹逝水波架上遺編何其多
太息流光同逝水照入美人青鏡裏一曲高
歌奉一杯美人名士真知己狂夫自笑老無
聞又拋書卷走蹄輪客裏相逢勸行樂可容

紅袖拂詩塵

落葉

落葉辭秋樹，颯然聲最哀。
因風聊宛轉，遶砌幾徘徊。
高處偏先下，時過讓後來。
成陰曾憩賞，莫便笑塵埃。

親見花開落，歸空久悟禪。
枝原非我借，幾已讓梧先。
老樹自生意，荒厨空暮烟。
但留根本在，春色又依然。

青春已改色霜葉氣空強
蕭瑟終搖落文章
更感傷空山樵路僻古寺夕陽黃
同此無邊下何須說老蒼

客裏垂垂老空林更感予
青春去不返白髮落盈梳
倚樹霜霑袖當風葉滿裾
故園松可撫搔首賦歸歟

題孔小菘秋蓼山房詩集

君不見九州聚鐵鑄愁城
崇墉屹立堅難破

秋無明月春無花中有愁者攢眉坐又不見
千秋故帟爛成堆化爲塵土不可播蠹魚作
孔役萬人一隙光中白駒過此孔中有臯比
座此座有人終日餓百城不抵酒杯寬此人
自誇夜郎大阮藉痛哭劉伶笑高築糟邱填
坎珂消愁化腐有神功醉骨一任陶家作我
友北海酒中仙倒甕傾瓶氣不挫百年三萬
六千場日日開尊不知惰自全其天天籟發

涑穎在右杯在左酒氣淋漓十指出冰雪聰
明不可詭天風浩浩酒懷寬珠玉隨風落咳
唾杜老高咏典朝衣李生仙語不用些古人
惜不見今人把酒論文興不那先生醒狂醉
不狂攻玉偏取石相磋一卷新詩把似我天
花片片雲中墮中有深深萬古情似汲清泉
釀香糯我量不勝一蕉葉愁病他鄉困痿痺
把卷不啻酒澆愁剪燭閒窻忘睡卧陶然同

入醉鄉游君好高歌我能和

題顏思誠就刪草

真意留千古泉明得替人不求楮葉似恥借
筆花春耐我百回讀從君一問津擬鈔億萬
本與世掃詩塵

我亦慕淳樸千秋守獨盟忽逢心所好惟覺
妙難名山看間雲出琴聽大蟹行此來差不
負把卷足生平

寄壽淨因

老去心情與世忘，獨餘辛苦愧閨房。六旬自
舉齊眉案，千里遙傾介壽觴。昔日唱酬猶可
憶，淨因四十誕日與予有唱和八律
頗爲朋友間傳誦和者數十人暮年離
別太堪傷。白頭不用吟成句，消受絲絲四鬢

霜

慚愧經傳小聖人

山左人呼衍聖公爲小聖人

斷斷洙泗

誠前津廟堂禮器摩挲遍魯國，諸生問難頻

疎絮清才名早識寫生妙手筆同珍

魯君子多知爭

因之名

從來才福難兼得羨爾才名白髮新

廡下低頭寄伯鸞十年心事付長嘆勞卿獨任

營巢苦老我還愁作繭難綵幌門庭憑想象

長筵兒媳共盤桓好圖家慶遙相寄洗眼從

容容裏看

時家中移居予惟憑信中所言想象象門逕而已

影逐形依四十年弟兄師友樂相兼閨中風

雅傳詩畫命裏辛勤累米鹽老眼未堪成錦

字夜鐙常憶對蘆簾冬餘歸計吾能決東海

攜籌爲爾添

此詩因寫家書偶有餘幅遂走筆書寄故
草率未及推敲也乃山妻與大兒得而和
之長媳之兄焦君里堂又愛而刻之遂致
傳播四方紛紛投贈佳篇得詩近三百首
次原韻者三十五人遂成一時盛事兒
輩已彙鈔成帙擬壽諸木力未暇也

窻下探春盛開

探春花下小徘徊試探春光去又回春到故
鄉人在客不如春社燕飛回

紅萼軒望孔廟杏花

軒在忠恕堂前予自九如堂移講席

于此牆外
卽杏壇

杏壇東畔講堂開
杏正花開初日來
花入松梢雜
殊翠一株真是倚雲栽

雨中怡齋公邀往泗濱看杏花

一帶沙堤泗水東
尋芳不厭雨濛濛
最憐風到三春軟
真見花開十里紅
客裏放懷憑眺望
霧中老眼笑朦朧
天晴預定重來約
消息

先爲報化工

時忍齋有天晴重來之約

次日天晴赴忍齋看花之約再往泗濱
是晚諸君張燈較射設火戲甚盛

天晴爭赴看花約車馬紛紛出東郭遙望已
驚花照眼無數紅妝競梳掠可憐昨日雨和
風風拂飛塵雨洗紅正似清溪照浣女未習
容步朝吳宮我昨親來見婉孌立處猶留屐
印淺沾衣花氣本非香芳情嬌露啼痕泣歸

去風情夢亦濃輾轉幾忘七十翁今日重來
花爛漫大笑拈花悟色空天西日落天漸黑
幾點流星送鳴鏑地下火樹花不夜天上風
鳶鐙照夕雲光忽瀉天光墜火樹銀花同的
爍電旗雷鼓驅丁甲火龍爭飛鳴霹靂深林
遠映杏花紅入座照我鬚眉白電光泡影本
須臾比似春花更可吁太息歸途黑似漆暝
坐車中頌六如忽忽鷄鳴思舊侶到底傷心

憶風雨

早春卽事

天壓濃雲暮復朝，春陰獨坐倍無聊。
虛窻生白留花影，老眼分青上柳條。
祇覺寒侵風瑟瑟，不聞低唱雨瀟瀟。
羈閒何事憑消遣，重檢鄉書慰寂寥。

白太傅詩吳娘暮雨瀟瀟曲自別江南久不聞

制藝編成感賦二律

一編手錄太沾沾，無色無香世所嫌。
千影自

分江上月六經誰辨水中鹽轉丸未許同蟬
蛻食壤惟堪學蚓廉負郭恨慳田百畝又教
兒輩理牙籤

蹤跡生平太不堪漫將書史說沉酣曲中穿
線空如蠹死後成綿不羨蠶慧業自知通懺
悔塵顏何處惹羞慚小窻剩有青鐙在佛火
熒熒共一龕

意未盡和前韻

泥拖滌盡水猶沾默印前人我自嫌似聖差
堪擬有若效顰喜未學無鹽玉真玉假由人
論珠去珠還感吏廉手錄此編留供狀不須
甲乙爲分籤

桃紅李白艷何堪入座春風酒半酣寸管誰
來窺霧豹七襄我自織冰蠶生成傲骨難逢
世剩有空言易解慚識得拈花無一字沉檀
何用製經龕

題孔小菴四時行樂圖

春試馬夏泛舟
秋把酒看鞠冬

擁美人伏
案填詞

碌碌塵勞事太愚
閒愁染白上髭鬚
忽遭臨濟三回棒
乍展先生四幅圖
怪底愛游常秉燭
不須應候勸提壺
及時且盡人生樂
莫把年華負隙駒

天放閒人得自由
無勞後樂獨先憂
讀書莫爲文章悞
射獵能同鹿豕游
任爾難羈如野

馬愛他不繫有虛舟英雄酒色何須諱休待
黃花插白頭

一例悠悠逐兔蟾任他手版笑腰鎌吳蠶繭
縛輸蟬蛻諫果甘回讓棗甜伏案猶憐觥筆
墨開關何處借鐻籍百年三萬六千日日日
新圖待爾添

自恨勞勞未散場披圖棖觸幾傍徨四時行
樂君真達千里依人我太忙客裏吹竽同北

郭愁中送日下西牆丹青若許衰顏補畫在
踈籬野鞠旁

首夏卽事

又見濃陰綠四圍經年羈旅未能歸客中飲
食違饑飽鏡裏容顏驗瘦肥欹枕夢來成恍
惚借書還去想依稀計時常盼鄉音至日日
堦前數落暉

同孔鎮齋教授夜話感贈二律

及時蟲鳥各飛騰笑我癡偏似凍蠅人遇有
心同嘆喟瓠原無口且模稜豆箕兄弟違千
里苜蓿先生共一盞絕似空山煨芋夜鄴侯
相對嬾殘僧

文章千古共軒渠知己天涯慰索居入世我
成帝上餅傳家君有壁中書九霄露潤星辰
氣五夜更殘風雨廬他日相逢異車笠莫嫌
組綬訪樵漁

客中七夕

一老頽然在異鄉，
嬾從天上想荒唐。
生平良會匆匆過，
滋味偏從別後長。

乞巧無煩結綵樓，
拙猶嬾用巧何求。
從來弄巧多成拙，
笑煞河東柳柳州。

霧縠冰綃未是工，
金絲蜀錦織鐙籠。
天孫應羨人間巧，
花樣年年總不同。

茫茫離恨最無垠，
皎皎明河欲問津。
怪底仙

掃垢山房詩鈔第十卷目錄

題孔荃溪鏡虹書屋詩集

鎮齋以所藏昔賢遺集數種見示感賦長

句十六韻

自題魯游詩草

將發曲阜留別諸同好二首

齒痛甚不得寐客舍枕上作

過下邳懷黃石公

孔鎮齋季衡各採孔林楷木製杖見贈雕
鏤工絕小蒞別贈椒杖景峯贈舊藏癭
瓢皆醜怪可愛行抵淮浦檢點歸裝紀
以二十八字

冬至日返里入新居題壁四首

辛酉再遊闕里因病戒詩夏五無聊忽得

二律

閩題寓壁二首

題榴園一見草 有序

微波榭借書歌 有序

瓶花四首

模糊四首

攬鏡

詩

偶感

自慰

雜詩二十首

埽垢山房詩鈔第十卷

甘泉黃文暘

題孔荃溪鏡虹書屋詩集

花雨繽紛遍六虛
點頭人向月中勸
世間桃李羞
凡艷天上雲霞結
梵書貝葉繙經獅
作座扶桑剖繭鳳
銜梳與君更欲叅
無相不染維摩最自如

鎮齋以所藏昔賢遺集數種見示挑鐙

夜讀感賦長律一首

故帑如山爛作堆誰披砂磔揀瓊瑰青鐙照
字皆成血白骨埋泉已化灰未必兒孫傳舊
業更無朋友薦新醅此時空供蟬爲食當日
偏煩鳩作媒歌哭宛如人在坐精靈可有鬼
能來直將失意留千古抵得傷心賦八哀覓
句知曾誇月露開編先與拂塵埃問天短夢
迷雲路斫地長歌入夜臺殘帙人多遺往恨

苦吟我又作陪儻破窻月落三傳漏短燭光
搖再剪煤只此舊魂猶墮劫何常生面待重
開崎嶇世界無今古得失功名付草萊已識
前因須解脫莫將後世費疑猜早皈西土三
車法不羨東阿八斗才隨口篇章渾漫與無
心毀譽任嘲詆留將清氣還天地化作星雲
照九垓

自題魯游詩草

出步上卷下金一
花光月影怕雕鐫客裏閒吟意偶然語不驚

人聊自適稿纔脫手已爭傳

魯君子小菘季
衡鎮齋厚齋思

誠節倩荃溪皆酷嗜
予詩各錄副本藏之飄零詞賦悲同調蕭瑟

生平感暮年慚愧狂名滿山左岱宗留伴古

雲烟

將發曲阜留別諸同好

始信人間行路難來時酷暑去嚴寒聯吟有
友皆秋士好在炎涼界外看

思歸惜別兩難禁併入凄然一寸心一寸愁
心千里路五更車上看商參

齒痛甚不得寐旅舍枕上作

少年恃齒牙快意恣大嚼飲食味真味尚嫌
滋味薄及年四五十勢已傷脫落六十既過
頭漸覺氣血弱齒剛勇于用久失鋒鏑老
無世味緣根株失所托骨肉將分離酸楚纏
筋絡用之浮若雲觸之痛連齶冷若冰裂膚

熱似炙火灼欲留知不可去難勢一決極思
求解脫何處覓靈藥况復車搖搖震掉勇相
搏毒若具五刑一一受斧鑿解裝趨客舍饑
腸羨糜酪盤餐列我前攢眉對餽飪束腹擁
高枕入耳聒牛鐸聊復辨宮商昏然通冥漠
小睡痛若失少醒又大作乃知邯鄲枕其中
有至樂何用黃梁熟更歷諸毒惡

過下邳懷黃石公

周家遺老隱秦時一卷書開四百基身老嬾
爲天下用教成孺子帝王師

途中寄闕里諸同好

回首幾眉攢東山憶古歡家人團聚近良友
別離難詩好性情露交深骨月看馬前與馬
後都恨路漫漫

途中寄怡齋公

分袂情何厚冬窮意不窮戒途無朔雪送客

有春風撰杖慚扶老安車感上公相思濃似
酒常寄一尊中

別時扶以楷杖載以安車更慮老年畏冷贈以自製良醞

客舍坐雨

歸途喜漸近忽又嘆途窮路絕一天雨身當
四壁風悶惟心共語人或夢相通永日昏如
夜孤鐙不肯紅

待後車不至閒坐客舍偶成一律

底事行藏聽馬蹄買田悔未學扶犁四頭岸

遠歸宜早托足途多路易迷書劍累人成贅
物冰霜隨客是輕齋也知險易程難測安得
馳驅力盡齊雪意漸濃風轉北鄉心無賴日
沉西任人推輓原遲鈍逐境遷移費笑啼謀
食去來空似雁觸籓進退已如羝擁衾且了
今宵事游慣華胥識舊蹊

孔小菘見貽芝草三本奉寄一絕

不愛浮名只愛閒與君同證是癡頑早來攜

手深山去多採靈芝煉大還

舊有菩提念珠極光潤可愛季衡贈以
白玉珠三十粒添作記念復伴以貝
多一葉寄謝二絕

老年懺悔事金仙百八牟尼臂上纏多謝導
師施棒喝教人持念玉同堅

飽餐甘露舊青青一葉分來伴澡瓶彌勒宮
中期再見爲君刺舌寫蓮經

孔季衡鎮齋各採孔林楷木製杖見贈
雕鏤工絕小菘別贈椒杖一枝景峯
贈以舊藏瘦瓢亦皆醜怪可愛行抵
淮浦檢點歸裝紀以二十八字

白雲紅樹路迢迢一老扶筇掛一瓢寫出歸
山圖一幅丹青不用染生綃

冬至日返里入新居題壁

一杖飄然千里回登堂四顧反疑猜直同化

崔仙初返原是停驂客乍來檢點琴書尋故
物商量花樹待重栽賞心最愛庭前石斑斕
層層結異苔

骨月歡迎爲解裝纔知此地是閨房客中久
老同春轉別後言多共日長一席可安身易
寄百年未了債難償漫將歌哭欣相賀早買
青山是住場

帟閣聯吟坐比肩坐來還是舊青氈輕肥絕

少謀生策辛苦偏多儻屋錢七十老翁成小
住三冬長夜且安眠光輝奕奕歸裝富漢碣
秦碑四壁懸

買屋無錢且買鄰桃花潭水認汪倫

居與飲泉損之

二汪君相近新詩吟罷催酬和故友來時互主賓

正好二分同月色可憐一劍又風塵

將於來春復往

山左閉門笑我無長計苦被輪蹄役此身

辛酉再游闕里因病戒詩夏五無聊忽

得二律

六十過頭更六年辭家又唱遠游篇車塵馬
足成長計嶽色河聲續舊緣老矣莫言天下
士飄然真是地行仙不須多乞壺公藥

鎮齋
憐予

病每來商
畧醫藥 饑卽加餐困卽眠

如水簾紋暑不侵遶堦負手費沉吟女蘿委
地閒霑露獨樹撐空自惜陰兀坐便完終日
事哦詩聊寄一生心借書僕僕真癡絕

常從
小莊

蘅浦借書
慚愧無絃會撫琴

悶題寓壁二首

雨雨風風來去忙
烟花辜負好春光
過河草改江南綠
撲面沙連冀北黃
只會持杯觀醉醒
予涓滴不飲而愛與觴政雖徹
夜不倦故酒人皆樂予在坐
那堪托盃

論行藏餘生早返漁樵隊
便是身登選佛場
避弋孤鴻是外臣
梳翎病雀乞閒身
青山覓句催銷假
白首全生嬾認真
筋骨無靈憑草

木精神有用敵風塵影形互問難相畚癡絕
人間是此人

題孔榴園一見草

榴園精于醫活人無
笑而不以醫自贖集

中所載皆其醫案文
筆亦駿發犀利之至

古醫皆神聖立言垂爲經靈樞開玉版暗室
明金燈所以上古民淡泊能嬰寧嗟嗟去聖
遠人命乃日輕昧道飾以術卮言遂日騰謬
解醫者意瞽示而聾磨坐令世上人孝慈屈

至情大儒聖人後憫世出至誠早歲掇巍科
碧海掣長鯨埋頭穴經籍鏤心勒箴銘萬卷
窮沿溯百家辨淄澠貫花必用線撞鐘詎以
莛性命探根本陰陽闢戶扇乃盡三藥妙以
通二氣靈壽人本經術仁心托參苓忠宣與
文正卓然師前型敢惜臂九折所願人百齡
藥靈鬼先遁指到春卽生製方詳箋疏心苦
爲分明遂成法家案豈等帑上兵我初開卷

讀但驚筆力勅巨斧無橫理祇聞聲訇訇天
光無遠近惟覺色晶瑩聰明不相敵閃閃搖
心旌坐久神氣定蛛絲迹乃呈剖理析毫毛
理精心亦平我本不知醫讀之如飲冰冷煖
忽自知宿病辨所嬰焚香拜寶籙生氣充八
絃若作文字觀雙目無乃盲

微波榭借書歌

微波榭孔莊谷先生藏書之所也先

生歿後有四令嗣曰一齋小菴忍齋
蘅浦皆博雅嗜書續購益多善本蘅
浦常以總目示予共七萬八千餘卷
分藏者不載予遂與訂借書之約蘅
浦且許爲予廣搜目外秘本于是探
竒採異雖日不暇給而已無餘憾惜
老年健忘殆如雲烟過眼然已不勝
南面百城之樂矣乃作詩記之

快事折盡生平福七萬卷書供披讀借書還
書成二癡相載紛紛道相屬晴窗把卷逐斜
陽短夜猶盡三條燭黠奴嗤然笑我愚又似
臨場抱佛足讀多老眼漸模糊陳言觸目逢
鈔胥粵若稽古三萬字腐肉塞破蒼蠅鬚讀
書要在得精理貪多務博真穿窬牛乳成酪
酪成酥煉酥一滴成醍醐貫花以線蠃穿珠
經史而外迹何粗譎言空誇海大魚高鳴我

識黔之驢况復區區守方隅學鏤葱絲包子
厨解得拈花一字無乾端坤倪轉神樞笑我
此理空能識笑我此性天生僻積習多生難
埽除恰似蟬魚墮書冊但使一日案無書便
覺此身跼與踏椽囊視肉豈嫌譏飽食猶勝
耽博奕浮沉憶昔寄窮鄉無書可借心茫茫
老巫村嫗相慰悅盲詞野史來盈箱胭脂靈
怪銀字兒狡童佚女寫迴腸提刀趕棒鐵騎

兒士馬發跡數興亡我亦孜孜看不厭愛其
結撰超庸常幽囚野死紀堯舜伊尹旣殺太
甲昌武王馘魔億十萬太公射畫精魘禳巫
支祈與神禹戰銅頭鐵額蚩尤強六合以內
無不有羣書一例談荒唐豈但焚夾與雲笈
瓊島香海闡八荒拓開心胸窮變化猶勝腐
臭推糝糠我欲積書少書價往往借書傾鄴
架揚州藏書馬氏多

玲瓏山館

徵君在日許人借

高閣干雲貯

賜書

文滙閣貯
四庫全書

芸函亦許到

茅舍一編在手便無愁著眼匆匆忘日夜入
世頗能辨醉醒讀書不耐分高下但逢勦說
厭雷同便覺精神爲衰謝探竒期以畢吾生
無書何以銷閒暇客中軟語遣奚奴借書又
向微波榭主人借書不憚煩還來共話銷長
夏竒書撐腹論難卑多君不共世人罵

瓶花

水換軍持趲早涼沾衣惹袖惜餘香客窻自
笑偏多事位置瓶花日日忙

不愛新圖畫十眉常描花影上呆愚丹青我
有闈中友記得商量寫折枝

江南花市揚州賤稱意名花伴苦吟今日傾
囊難買笑始知身價值千金

自渡河而北卽
絕不見有賣瓶

花者

一甌苦茗一瓶花供養閒窻每自誇清福可

憐銷折盡空隨綠草到天涯

模糊

模糊真有味歲月任相煎筋力堪踈懶心情
猶少年隨緣齊幻化未死卽神仙貧賤原天
放貪天且自全

生平得酒趣不飲會模糊棋局忘人我

予不能奕

而愛觀奕

瓶花一苑枯

予最愛瓶花以其可以日易新者無盛衰之感人

身交肩上錘骨誤口中珠生死皆吾事前知

計亦愚

事事分明至模糊亦大難不妨常說鬼最好
未爲官睡學五龍蟄禪從半偈觀徘徊花月
影第一莫凭欄

傳得模糊訣茫然付不知聰明非眼耳視聽
乃希夷來日君休問前塵迹已移當前無物
我渾沌是真師

攬鏡

蕭然雙鬢混塵氛黑白年來漸次分可惜此
翁鏡中老讓他袖手看浮雲

詩

稱心衝口卽成詩嬾向旁人問所宜白傳陸
丞休共擬山林鐘鼎異襟期

偶感

悲秋常覺氣蕭然白首逢秋倍可憐期至百
年終有盡老來萬事總無緣齒牙力弱難強

飯枕席情踈漸少眠況是天涯剩孤影那堪
落葉滿階前

自慰

賤貧正合任迂疏風漢原應老荷勸茶苦詩
清雙折算命衰身健兩乘除談揮麈尾閒招
友字辨蠅頭夜寫書如此百年殊不易求仙
何必向華胥

雜詩

疾風西北來浮雲與之馳高樹葉零落細雨
紛如絲危巢何岌岌中有烏啼饑風雨亦偶
然窮林增其悲悠悠天地閒哀樂安可知
士烈不在劍女美不在顏借軀多惡少市門
倚雲鬢假物相粉飾文彩多斑斕簡損日憔悴
貞一守所慳生死之所托重乃如泰山
歷歷天上星星草中螢秉氣各乘化豈自
表其形所嗟世上眼一例見青熒

心病不可治萬慮互相攪熒然持寸又倚窻
修指爪內外不相關心靜乃稍稍吾道以誠
入一拙了百巧

石火無長焰勁草無繁實牡丹不結子彩蝶
不釀蜜上士無調言大道無秘術

深愛出奇妬衆憎生獨憐供人爲愛憎生死
相纏縣任我爲愛憎幻相成因緣陰陽異舒
慘兩兩相節宣順之成賢聖逆之成神仙

人生不滿百，胡爲苦拘持。學仙悔不早，遲暮已及時。徘徊見孤影，獨處天之涯。鴻雁飛成羣，和鳴偕雄雌。黃花茂晚節，三徑念故枝。飄飄客衣薄，零露華滋。寥寥空廊立，蕭蕭白日移。秋聲入萬籟，到耳無貞詞。

生平愛竒偉，所遇苦凡庸。枯坐馳冥想，雲外數華嵩。異事忽到眼，大觀詫恢雄。獅子搏巨象，鳥王啖乖龍。海立山欲走，豁然開心胸。長

歌吐竒氣一振萬耳聾

風雲殊靈會烟霞守獨盟古之隱逸者自審
原分明所據非其位何以佐治平願以山中
言勒爲鼎上銘

空堂貯月光我來分清影我影所照處成陰
若樹屏我影不照處其光何耿耿相照乃相
蔽可以發深省

雲積心漸癡松老體多曲雲癡龍相從松曲

宦來宿閱年吾已多世故漸漸熟欲學雲與
松不能禁顏面窮老吾自甘所薄原在福

豈敢辱巢許亦不慕仙佛世事得失外吾自
論伸屈崛強順我性何處有抑鬱俯仰一室
中長吟抱吾膝

花花草草風風雨雨鶯鶯燕燕朝朝暮暮白
日照青春徘徊影自訴春郊踏青多美人杯
酒來澆蘇小墓自誇貌似墓中人墓中人起

汝生妬轉瞬汝亦墓中人白楊黃土同歸路
寄語人間讀史人哀湘弔沅空雲霧那有芝
蘭肯入室空谷相逢好相顧

今我不樂思故鄉玉勾井涸路茫茫瓊花譜
佚芍藥狂二分缺月少清光酒香肉爛玉山
堂長缺短刺神揚揚一老羞澁睨其旁反袂
掩面走且殭老妻白髮苦相望待我煮石充
饑腸

傍松誰種女蘿草
嫋嫋來倚青松枝
女蘿隨風不自立
松枝出力爲扶持
松下茯苓大于屋
靈氣偷得生兔絲
兔絲女蘿各開花
居然小草欣逢時
當其臨風互得意
遂欲與松論妍媸
松豈與汝爭妍媸
可憐秋風不汝私
後凋不凋常如斯
明年春氣發榮滋
松仍庇汝汝勿疑

君不見腰纏太重
雀背折直下雲端
苦一跌

妻孥痛哭葬神仙磨石求銘表廉潔空留行
卷比牛腰行行漬透心中血不如狡獪里中
生談經自掉張儀舌竒計能緘天下口一味
罵人工詆訐達官長者畏多口姑以黃金作
羈紲苦博甘肥傲妻子死後聲名日中雪供
狀猶留兩卷書愛者難爲掩陋劣

閉戶著書毋自矜旁有竒鬼瞰孤燈古人已
死原無口誣之竊之皆汝咎名山有神神有

靈竒鬼証汝正汝刑

近聞京師苦大雨彌月不止人懸釜永定河
決水滔滔橫流四溢浸三輔災民百萬仰天
庾已饑已溺憂 當宁况乎川楚賊未平正
勞禁旅事長征嗟嗟封疆有專職衮衮何以
佐平成努力好趨天河水殺賊歸來洗甲兵
用兵莫泥孫吳法災異莫泥五行志爲君良
難臣不易經濟豈在賭聞記爛縑斷竹強雕

剌蛟騰鳳起網羅寬公門桃李笑彈冠坐使
爲君獨任難吁嗟乎以人事君在誠篤豈有
教人學干祿一代龍門掛書篋噫嘻歸來乎
吾與爾讀

祖父百餘年飽享太平福不學手扶犁胡爲
腰佩犢王道本蕩平孰使爾跼蹐 天子坐
明堂爲選良司牧吁嗟乎牧民治兵同一術
恩威要在通人情君子愛民如父母僕射愛

士如父兄大官小官各真樸良民莠民歸生
成辛苦不從田閒來安能爲國養蒼生噫嘻
歸來乎吾與爾耕